

Angelo Murru

GIOIAS E DOLORES DE  
SA VIDA MIA



*Poesias dedicadas a fizzos e nepodes mios  
pro chi sa vida es fatta de bene e male e  
chi lottendela onestamente si supera  
d'ogni ostaculu cun grande  
soddisfazione.*

Angelo Murru

GIOIAS E DOLORES DE  
SA VIDA MIA



*Poesias dedicadas a fizzo e nepodes mios  
pro chi sa vida es fatta de bene e male e  
chi lottendela onestamente si supera  
d'ogni ostaculu cun grande  
soddisfazione.*

# I° PARTE

## S'infanzia

1

Como ghi appo passadu sos sessanta  
de sa peregrinada vida mia  
cun pius calma, e pius armonia  
descriso sa vida mia totta ganta.  
Bramosu ghi tottu in familia  
la potan' imparare, in paghe santa  
primu e dare a su mundu sos adios  
fatto custu donu a fizzo mios.

2

E cominzo cun sa seguente:  
Sa naschida primu a raccontare  
e de comente onoradamente  
poi l'appo de vida passare  
bene e male po bos regolare  
tottu in sa vida presente  
a tales chi servada de insegnamentu  
chi sa vida es fatta de bene e de turmentu.

3

Su mille~~o~~ghentos norantasese  
de triulas fi sa prima die  
in cuss'incaloridu mese  
Mamma attesidi a su mundu a mie  
de fizzo mascios fia sue trese  
mortos primu e connoschere die  
frades mios Franziscu e Anghelu  
chi tenereddos an boladu a chelu.

4

Tando pro sighire su costumene  
chi su tempus antigu ha tramandadu  
pro su mortu a mie ana pesadu  
e de Anghelu dadu mi ana su lumene  
ca s'erede pro antig'abitudine  
non teve t'esser mai ismentigadu  
Babbu e Mama l'an fatto pro cussenzia  
tramandare s'antiga discendenza.

5

Babbu si naraia Giommara  
Mamma Giuanna Remunda Melone  
fin duas laboriosas persone  
chi cun su tribagliu insoro campaian.  
An tentu sempre paghe e unione  
in sabitu modestu chi vivian  
An battidu a su mundu chimbe fizzo  
Pesados bene, magari cun fastizzos

6

*In cheia fattesin su battizzare  
Pantaleo Casula parracu solu  
Giuanne Piga e Luisa Niolu  
A padrinos m'ana de vidu dare  
Zente ona e de grande consolu  
Chi meritain de los istimare  
Però subitu es mortu padrinu  
E no l'appo connottu poverinu*

7

*In comune an registradu s'attu  
Su sindigu Nenardu Masala  
Testimonzos unu tiu e carrela  
Poi su giaganu intresi fattu  
Ch'in cantu a battigios e adattu  
Fi pro leare primu sa candela  
Gioanni Murru e Solinas Salvatore  
Fin sos destimonzos firmadores*

8

*De ghimbe fizzas tre semus restados  
Deo, Giuanna e Maria Cadrina  
Tottu dotados de bonas fainas  
Dae sos Genitores imparados  
Nos ana idu tottu coiudados  
Tantu a mie chei sas feminas  
Ca fi cussa s'insoro cuntentesa  
Mortos suni felices in bezzesa*

9

Bona istesi sa mia pesadia  
Fattu mannu senza oriolu  
Pro motivu chi fia fizzly solu  
Mi desin sos gustos chi cheria  
De babbu e mama fia su consolu  
Ca severos curreginde issos fian  
E mi desini bona educazione  
Pro faghes de me una brava persone.

10

Ma dae s'edade minorile  
Appo passadu puru pena e dolu  
E gai sende ancora infantile  
Istesi colpidu dae s'emizzolu  
Poi de tanta cura e isconsolu  
Mi lassesu mesu surdu che unu vile  
Ca cussu male chi in testa ses postu  
No mi lassa fina esser mortu.

11

Pro cussa triste menguanza  
Ma fattu suffrire totta vida  
Faghinde perde meda e sa sustanzia  
Chi pro donu e natura fi bennida  
Pro cussu casu opera incumpida,  
Essidi e faghede arranzia  
Ca dae su male chi Deus m'a dadu  
A meda cosas non so arrivadu.

12

E cominza s'istrada de iscola  
Chi fettesi a s'edade de settannos  
Sa mastra pariade un ispola  
Ma onesta e de lughidos pannos  
Andadu bei so po tres annos  
Sempre istudiende a totta vola  
De cantos in iscola bind'aia  
Deo sempre, su primu gia fia.  
Nonostante ghi su primu essere  
In cussos annos chi in s'iscola istesi  
Sempre faghinde su meu dovere  
Chi tottus sos cumpagnos superesi  
Cun grande dolu e dispiaghere  
A s'esame sos mastros mi bocciesi  
Ca no app'intesu bene su dettadu  
Cartella e terza no mind'ana dadu

13

Babbu quasi de s'arrabbia si moria  
Pro aes fattu sa mastra cussa vilesa  
Ca unu bonu istudente lu fia  
Ispettaia sa cartella tantu attesa  
Chi cussa fi sa sua cuntentesa  
Chi dae coro sempre bramaia  
Ma deo non mi so iscoraggiadu  
E a s'iscopu bi so poi arrivadu

14

Intantu sos cumpagnos derisiana  
Nda fattu de sa mia bocciadura  
Tott'ana risidu in Monteleone  
Pro sa triste mia isventura  
Ca dae send'ancora criadura  
M'odiaiana zertas persone  
Ma pianu pianu emancipadu  
~~Miso~~ e a tottu appo superadu

15

A s'edade de deghessettannos  
Chi non fia pius pizzinnu tale  
Frequentesi s'iscola serale  
Cun cumpagnos minores e mannos  
E bandesi sempre puntuale  
Pro no ruer che derisi in affannos  
Su Millenoighentostreighi a nomen'tentu  
Sa cartella disizzada appo tentu.

16

Daghi in manu sa cartella tenia  
Podia cun sos cumpagnos contare  
Anzi sempre pro perfezionare  
In domo meda istudiaia  
E babbu puru m'aggiuaid  
Ca cultura ndaia pro nde dare  
E ndada imparadu puru a mie  
Chi bene m'agatesi calchi die.



## II° PARTE

### *Sa vida militare*

17

*S'annu milli e noighentos bindighi  
Beni sa gherra Europea iscopiada  
Ei sa classe mia es prestu giamada  
Pro leare parte a cussos turmentos  
Gherra chi faghiad'ispaventos  
In totta sa terra abitada  
Deo puru volentieri b'andesi  
E pro tres annos sa patria servesi*

18

*Su noeghento seighi pro ammentu  
De cabidanni fi su mese  
In Ozieri fettei cambiamentu  
Subitu de sa vida borghese  
Pro servire de Savoia so rese  
Estidu e grigiu verde in cussu momentu  
E gai prontamente reclutadu  
A Iglesias mi c'ana mandadu*

19

E cominza sa vida militare  
A mi dare noa istruzione  
Su fosile fidi a manizzare  
Cun marcias longas in s'istradone  
E obbedire senza protestare  
Fi sa noa situazione  
Ma tottu mi pariada unu giogu  
Sa vida passada in cussu logu

20

Prestu a cussa vida abituadu  
Mi so cun tantu piaghene  
Trattendesi e fagher su dovere  
Ca est'obbligu de ogni soldadu  
Deo sempre attentu so istadu  
Pro no nde tenner dispiaghene  
Sempre vivinde in paghe e amore  
Cun cumpagnos e superiore

21

Zertu fi sa prima essida  
Ancora sena peruna isperienza  
Fin sos primo passos de sa vida  
Fattos cun sa dura obbedienza  
Ma tottu fi leadu cun passenzia  
Ca no baiad'atera essida  
E gai cos ~~de~~ ~~de~~ ~~de~~ po tres mese  
Istesì a Iglesias umile e cortese

22

Appena finida ogni istruzione  
Fatta sempre in sensu militare  
Ischia solu armas manizzare  
Appena pois de p Monteleone  
Cambiesi subitu battaglione  
Ca in gherra tevimis andare  
Lassad'amos sa zittade mineraria  
Pro ides de su Veneto sas arias

23

In Aristanis sa Pasca e Natale  
Fatt'amos in paghe e unione  
Sos precetto de sa religione  
Istesin fattos tottu puntuale  
Faghinde una santa comunione  
In cussa bella cattedrale  
Poi e su barantasese fanteria  
Andemus ca in Ozieri cussu fia.

24

Bèni'estidu e bene armadu  
M'ana in tenuta e gherra  
E subitu sa Sarda terra  
Su battaglione meu a lassadu  
Amos su mare attraversadu  
Pro andare a Melfi sa cundierra  
E in Trichiana su prescrittu giuramentu  
Amos prestadu in mesu a nie e bentu.

25

*Inie semus bistados pegas die  
In retrovia pagu lontana  
Ca subitu a monte Tofana  
Nos giutesi chi fi copertu e nie  
D'emarzu fini arrivadas sas prima dies  
E fini biancas fina sas funtanas  
Tottu fi biancu terra e aria  
Cussu monte tremizza de altarìa*

26

*Igue fidi a vivere in trincea  
O in buias e fittas gallerias  
O in postu avanzadu pro pelea  
Inue s'inimigu tottu intendia  
Cando cuntinu fogu no faghia  
Fidi a bistare isvegliu e a sa rea  
Fidi unu fronte de resistenza  
Fidi a leare frittu e turmenzia*

27

*Sas cannonadas quasi frequentes  
Sonaiana in d'ogni momentu  
E gai d'ogni bonu cumbattente  
Teviad'istare sempre attentu  
Ca cando no baia cumbattimentu  
Su frittu cancaria sas dente  
E mottu faghes pagu si podia  
Fidi a bistare comente non cheria*

28

Cantos dae sas valangas de su nie  
Enzesini in cussu logu sepultados  
E dae sa turmenta cazzados  
In burrones nde' dia d'ogni die  
Pro fortuna no es capitadu a mie  
M'andaia sempre a passos misurados  
Cun d'ogni massima attenzione  
Pro no finire in calchi burrone.

29

Cussa vida un' ierru es durada  
Passende fame e frittu ancora  
Barriadu e piogu a d'ognora  
Cun sa persone totta raffiada  
Sa mente de noia leada  
Cun su coro chi si addolora  
Ca tottu sos chi' inie suni istados  
Pro su pius si sunu congelados

30

E no à tardadu su turnu meu  
D'esser dae su nie assediadu  
In primavera mi so cungeladu  
A manos pro pius pelev  
Lassende cussu logu frittu e feu  
Pro esser in ispidale ricoveradu  
Pro mi curare in s' ispidale e campu  
Mi giuttesin comente ei su lampu

31

E gai da ispidale in ispidale  
Dae Belluno andesi a Roma  
Sos duttores sa granghena domana  
Primu chi aumentese su male  
E mi curesini in modu tale  
Chi m'ha salvadu sa pedde insoma  
Daghi in parte su male mi curesini  
A domo in licenza mi mandesini

32

Poi e meses de cura cuntinua  
Mi nde desini tres de curvalescenza  
S'allegria mia fid'immensa  
Ca paria finida ogni disciplina  
A dagh'Anghelu a domos s'avvicina  
In parte su male son senza  
M'appen'appo sa licenza terminadu  
A Iglesias so torra rientradu

33

Cando so a Iglesias torradu  
Fia soldadu ezzu e anzianu  
Pius fusile no lesin manu  
Ca fia inabile e gherra dichiaradu  
Una pinna mi desin in manu  
Ei su postu e iscrianu m'an dadu  
Rinunziende su gradu e caporale  
Mi lesi s'impiegu e iscritoriale

34

Dagh'iscrianu diventadu fia  
In su cumandu e battaglione  
Mi rispettaia d'ogni persone  
Ma deo a tottu puru amaia  
Sos cumpagnos de sa cumpagnia  
Mi naraian su re Monteleone  
Senza esser niente gallonadu  
Fia dae tottu saludadu

35

Intantu in Sant'Andria sa gherra  
De s'annu degheottos es finida  
E gai s'immensa cundierra  
Eni poi e tantu abburrida  
Daghi migliaia de soldados sa vida  
Ana lassadu in cussas frittas terras  
Ca ghie no est in gherra restadu  
Torrada a domo sua isempiadu

36

Su battoro e cussu mese totta in festa  
Fi sa Nazione Italiana  
Ca sa vittoria ottenta l'ana  
Superende males e tempesta  
Su popolu tottu lu manifesta  
Allegros a ballos e cantos si dana  
Ca d'ogn'unu restesi cuntentu  
Pro sa fine su cumbattimentu

37

Ma deo invece de gioire  
Comente fettei d'ogni cristianu  
In s'ora m'es toccadu e soffrire  
E no appo piantu mica invanu  
Ca in s'Asinara terrinu Italianu  
Connadu meu es devidu perire  
In cussa Sarda e dura terra  
Mori primu e finire sa gherra

38

Pro su coro meu un'istoccada  
Mira es bistada troppu forte  
Pro sa trista e barbara sorte  
Chi a sorre mia es toccada  
Totta sa familia a nieddu luttada  
Ses pro cussa improvvisa morte  
Ca lassadu sos duos nepodeddos  
Ancora minores orfaneddos

39

Intantu sas classes anziana  
Cominzesin a los cungedare  
A mie mi tocchesi de isettare  
E congedu prestu no mi dana  
Mancari cun sa manu pagu sana  
Mi tocchesi in serviziu e restare  
Ca giovanu troppu deo fia  
Ancora sutta restare devia



40

E gai dae oe a crasa  
Parizzos mese sun passados  
Prima de nos bides cingedados  
E torrare a sa nostra casa  
Intanto a su pasa pasa  
Enimos a Casteddu cambiados  
Ma inie puru benomale  
Intresi iscrianu in s'ispidale

41

Inie diventesi capu e s'uffiziu  
E niunu mi cumandaia  
Inie faghia su ghi cheria  
Senza ruere in pregiudiziu  
Ma tottu lu faghia cun giudiziu  
Ei s'opera mia l'ammiraian  
Tottu lu fettesi pro s'onore  
E contentare sos mannos superiores

42

Intantu faghinde puru s'iscrianu  
De faghes su soldadu istraccu fia  
E de torrare a domo bramaia  
Comente d'essis allegru e sanu  
Ca babbu fi bezzu e anzianu  
E de bisonzu meda tenia  
Benomale ch'essida una circolare  
Chi sos feridos teviau visitare

43

Subitu appo visita richiestu  
Pro sa manu chi pagu trattaia  
E gasi connottu m'an sa maladia  
Mandendemi a domo piu prestu  
Ca su male fi tantu manifestu  
Pius a longu istare non podia  
Assa visita meiga sa commissione  
M'ana assegnadu sas sesta pensione

44

Daghi m'an sa pensione assegnadu  
Mi desin assolutu su congedo  
Subitu dae tottu mi dispedo  
E m'appo su bagagliu preparadu  
Versende tottu su corredo  
Chi m'aia su governu cunsegnadu  
S'annu deghennoe fidi s'istiu  
Cando a Casteddu desi ogni adiu.

## III° PARTE

### *Primas lottas de sa vida civile*

45

*Appena sa vida militare es terminada  
E chi torresi a sa vida civile  
Ormai abbandonadu su fosile  
E i sa divisa grigia lassada  
Pensesi a sa idda ismentigada  
Cun modu veramente signorile  
Postu appos sos cumpagnos in mottu  
E cun megus unidos si sun tottu*

46

*Monteleone fi sa idda abbandonada  
Fora da ogni consorziu civile  
Paria fonnesu unu coile  
No de pedra una idda fraigada  
Ca prite non b'aia manc'istrada  
Ma roccas solu in d'ogni giannile  
E d'ogni cosa po la trasportare  
Potian solu caddos impreare*

47

Non b'aia ufficios ne iscola  
De perun'assistenza sociale  
Amministrados dae sos principales  
Vivian che bestias de mola  
Cussos cumandaian a sa sola  
E no faghian ateru che male  
Invece e aggiuare ispozzaiana  
E bene a niunu cussos faghiana

48

Cussa zente maligna e prepotente  
Chi pro tantu tempus a dominadu  
Prestu a d'ogni podere lassadu  
Pro meritu e sos cumbattentes  
Cuddos chi eo lestamente  
Appo a gherra finida organizzadu  
Costituinde in Monteleone  
Una bella e florida sezione

49

Sos cumbattentes de sa sezione  
Chi fi dae me organizzata  
Sa carica e segretariu mi dada  
Ca fia presceltu in Monteleone  
Pro aes pius de tottu istruzione  
Ca che deo ateru no bindada  
Cominza sos cumbattentes a s'iscrier  
E deo s'opera mia fattesi ene

50

Formadu su nou movimentu  
Cun d'unu cunsensu generale  
Fidi a fagher bene e no male  
Pro ghi restare d'ogni unu cuntentu  
E cun bideas bonas sociale  
Fidi a ponnes fine a su patimentu  
Insomma fid'a la fagher finida  
Cun tantos patimentos in sa vida

51

Intantu una dominiga e festa  
Fattamus una dimostrazione  
Pro ischidare sas dormidas persone  
Chi de sa idda fini sempre in testa  
E tottu in signu de protesta  
Si movene in Monteleone  
A boghe alta gridana e reclamana  
E i su sindigu a su comune giamana  
Daghi ses su sindigu accudidu  
E a bidu infuriada tanta zente  
Giamma carabinieri lestramente  
Timinde non l'essere colpida  
Ma no l'amos alzada unu didu  
Chi si fettei tottu sveltamente  
Ca fi sa zente solu radunada  
In signu de protesta pro s'istrada

52

Subitu s'es fattu unu verbale  
Firmadu dae su sindigu a mala gana  
Sa protesta nostra intesa l'ana  
Magari cun modu pagu cordiale  
Movidu ses su consizzu provinciale  
E subitu in appaltu la dana  
Poi e pagas die l'appaltesini  
E pro meritu nostru la fattesini

53

Cussa est'istada sa prima proa  
C'amus fattu iere e toccare  
Subitu an bidu chi in s'istrada noa  
Si podia cun d'ogni mezzu passare  
E dae Romana e Biddanoa  
Cominza d'ogni macchin'arrivare  
Monteleone ha balladu a ballu tundu  
Daghi ses bidu collegadu cun su mundu

54

Daghi s'es cun su mundu cullegadu  
Si civilizzan tottu benomale  
Obblighende chi a sos funerale  
Nisciunu essere mancadu  
Pro ch'enza d'ogni mortu onoradu  
Comente prima cosa essenziale  
Mentres primu cando unu moria  
A l'accompagnare no bind'andaia

55

*A sos funerales cun sa bandiera  
Ogni mortu l'accompagnaimis  
E gasi onore li rendimis  
Cun sa sociedade tott'intera  
Poi ses fatta sempre sa manera  
Chi volenteris b'andaimis  
Ca est'una santa e bella cosa  
Accompagnare su mortu a sa losa*

56

*Poi praticas de ogni manera  
Si s'unu in s'ufficiu isbrigada  
Ca chie ite chircare bada  
Solu in nois a tenede ispera  
Cussa diventei sa domo vera  
Chi a d'ogni unu consizzu dada  
E i cussos amados cumbattentes  
Finì dae me agguados prontamente*

57

*Fin dae me prontamente agguados  
Senza tenner peruna ricumpensa  
E i s'opera mia mai senza  
Fina los bider tottu sistemados  
E cantos feridos e decorados  
Tent'ana gioia immensa  
Pro meritu e sa mia persone  
Sos piusu ana tentu pensione*

58

Poi de aer tentu sos dirittos  
Pro su serviziu in gherra prestadu  
A sa politica puru amos pensadu  
Pro consolare sempre sos afflittos  
E amos pensadu e camminare dritto  
Comente fi su guvernu formadu  
E gai prestu s'opera non fini  
Sighinde sa politica e Mussolini

59

Sa politica fi tantu nezzessaria  
A d'ogni meta pro bi arrivare  
Ca devimis sos riccos debellare  
Pro lassare ogni idea usuraria  
Cudda zente chi terra e aria  
Cherian totta vida cumandare  
E pro aere atera conchistas  
Formad'amos sa sezione fascista

60

Intantu cun sos risparmios chi fattei  
M'appo sas domos prestu costruidu  
E daghi tenia prontu su nidu  
A s'amore poi puru pensesi  
E una furistera minde lesi  
Ca gai su destinu a cherfidu  
A pende giuradu in Monteleone  
De no isposare peruna persone



61

*Sí comente trairu in s'amore  
Istesi in bidda un'atera olta  
Fattesi tando sa preposta  
Cun tantu de peraula e onore  
Ne de amore ne de aer rancore  
Cun zerta zente chi fi male posta  
De fagher' una vida indifferente  
E a s'amore in bidda pensarebei niente*

62

*In Padria babbu un'amigu denia  
Chi fi dae ora senza l'incontrare  
E i s'invitu fattu bil'aia  
A sa festa e Santa Giulia a sic'andare  
Sí comente a mie puru cheria  
Tando andandos semus'umpare  
Ca s'invitu fattu in Tattari  
No l'aia s'amigu Salaris*

63

*E bandemus cun tantu piaghene  
Ca fidi in Maiu e in primavera  
Propriu su vinti duos a su dovere  
Amos cumpridu cun bona manera  
Ballos e cantos d'ogni ispera  
B'aia in cussu logu si l'ischere  
Padria si fattesi tantu onore  
Chi baia fina caddos curridores*

64

Su bon amigu Antoni Maria  
Nos'ha bellos pranzos preparadu  
Nos'ha sa familia presentadu  
Ca deo ancora no la connoschia  
Mascios e femmina bind'aia  
Ma una su coro mi che l'à furadu  
Pro l'aer bida una sola olta  
De l'amare fetteri sa proposta

65

Fattesi sa proposta de l'amare  
Ca furadu che fi su coro meu  
Paria mandada dae Deu  
E no mi la podia da oios leare  
Decisu appo de mi l'isposare  
C'aia bonas fainas e impreu  
Appena so a domo rientradu  
Appo cussa preposta presentadu

66

Babbu e mama no mi contrariesi  
Una olta chi piaghiad'a mie  
E daghi sun passadas pagas die  
Babbu a Padria mi c'a torresi  
E a Mariangela chirchesi  
Ca decisu aimis de asie  
E de lampada fi su vintinoe  
Cando desi peraula segura che oe

67

Daghi peraula segura mi desi  
Cussa fi che deo cuntentu  
Amos fattu su fidanzamentu  
E tottu sos parentes b'andesin  
Su duos de Austu si fattesi  
Cun peraulas de bonu cumpimentu  
Ca bi fi de Sant'Istevene sa festa  
Su tres d'emese a bidda si resta

68

Daghi sa fidanzad'e sa festa  
De Istevene a bidd'appo attidu  
Tottu restesini a bucca aberta  
Daghi a costa de issa m'an bidu  
Deo allegru e tottu cumpridu  
La fattes'ider a manca e a destra  
Sos baianos de idda a oiu maduru  
Abbaidan a issa e a mie puru

69

In gamba fi sa femina agattada  
Tottu mi nesini in Monteleone  
Niunu mi l'ha dispreziada  
Ca fid'elegante e bella e persone  
E deo cun tanta soddisfazione  
L'appo a sos parentes presentada  
Però sa solita limbis importunu  
Cherian dare, ma resessidos no i sunu

70

*Oramai fattu su fidanzamentu*

*No iscultei per una chistione*

*E si calchi limba mala si pone*

*Eo pensaia a li dare turmentu*

*Ca m'agattaia cuntentu.*

*Lassesì narres sas malas persone*

*Ca zerta zente de malas feridas*

*Minde desi sempre in sa vida*

# Cordoglio a Monteleone per la morte di Angelo Murru

*11 luglio*  
Sindacalista, amministratore comunale, pubblicista,  
tutelò per tutta la vita gli interessi del suo paese

MONTELEONE R. 21 luglio  
Compianto vivissimo ha de-  
stato a Monteleone e nei centri  
vicini la scomparsa di Angelo  
Murru apprezzato amministra-  
tore della cosa pubblica e so-  
lerte e obiettivo corrispondente  
de «La Nuova Sardegna».

Angelo Murru era nato a  
Monteleone il 6 luglio del 1889,  
era dunque da pochi giorni nel  
64. anno di età. Ricevette dal  
padre, che fu per diversi anni  
assessore comunale, una severa  
educazione. A 19 anni fu obli-  
gato a servir la Patria e si  
distinse sul fronte austriaco,  
meritando la Croce di guerra;  
ritornò a casa invalido, perché  
colpito da congelamento agli  
arti superiori. Formò subito la  
sezione combattenti e reduci  
che resse come segretario per  
oltre 30 anni; fondò anche, e  
diresse per lo stesso tempo, la  
sezione mutilati e invalidi di  
guerra, di cui fu anche ispet-  
tore di zona.

Nella sua attività politica  
fu particolarmente attivo e pe-  
llemico, combattendo quegli am-  
ministratori comunali che non  
si curavano dei pubblici inte-  
ressi: e deve attribuirsi a suo  
merito la costruzione della  
strada che unisce il paese al  
resto del mondo e la realizza-  
zione del nuovo cimitero. Pur  
raggiungendo vasta popolarità,  
non volle mai assumere alcuna  
carica retribuita.

La sua attività giornalistica  
si esplicò su vari quotidiani  
«L'Isola», «Il Lavoro d'Italia»,  
«Il Popolo di Roma», «Il Cor-  
riere della Sera», «La Nuova  
Sardegna». Nel recente dopo-  
guerra si dedicò particolarmente  
alla organizzazione di coo-  
perative agricole e di consu-  
mo. Eletto consigliere comunale  
la, ebbe l'incarico di assessore  
e si curò soprattutto dell'assi-  
stenza e della pubblica istru-  
zione: venne sempre rieletto ed  
assunse la carica di vice-sindaco,  
conservandola fino alla  
morte. In questi anni dette il  
suo validissimo contributo alla  
soluzione di numerosi problemi  
del paese, fra i quali ricordiamo  
la costruzione dell'asilo in-  
fantile e del collegio scot-  
tisco e la rete elettrica colle-  
gata alla imminente costru-  
zione del bacino idrico di Te-  
mo.

A 60 anni si trasferì ad Al-  
ghero, cercando un clima più  
favorevole alla sua malferma  
salute. Pur lontano continuò  
a collaborare nell'amministra-  
zione del Comune e ad illu-  
strare i problemi locali sul quoti-  
diano sassarese. E ad Al-  
ghero, in sezione combattenti, oc-  
cupandosi di essa fino agli ul-  
timi istanti della sua vita.

La morte lo ha colto imma-  
turamente. Ai familiari tutti  
«La Nuova» esprime i sensi di  
un profondo sincero cordoglio.  
— (elce).

La Nuova Sardegna - 11 LUGLIO 1953